

Коми Республикаса том войтырлӧн газет



**ИМОНДА**

2014  
лӧддза-  
номъя  
13-ӧд  
лун

23 №  
(1148)



**Медводз туялісны,  
сэсся гижисны**

**3 л.б.**

## Тайо НОМЕРЫН

Июнь медводдза лун - челядьос доръян лун. А нöшта тайо кадö заводитчö тыр арлыдтöмалöн гожся уджалан кад.

4.5  
л.б.

«Коми войтыр» öтмунöм да КРИРО-лөн школаöдзса велöдöмын национальной мытшöдъяс туялан лаборатория во заводитчöмсянныс олöмö пöртöны «Мастерская игропедагогика «Дзюлюк» республикаса проект. Сьöмөн отсалö Коми Республикаса экономика сөвмөдан министерство.

6  
л.б.

Со и бара на воис дыр виччысяна гажа гожöм. Миянлы - посниуловлы - ыджыд козинöн лои сиктсöвет дорын меститчöм ворсан йөр. Сэни позьö и иславны, и качайтчыны, и бергавны, и лыа пиын позьö пуркөдчыштны.

7  
л.б.

Иван Куратовлөн чужöмсянныс 175 во тыригкежлö «Йöлöга» газет юöртлiс «Со кыз сийöс тöда ме...» конкурс йылысь. Вель уна гижöд воис, молодечыяс, томулов! А со Кöрткерöс районьыс Ыджыд-видзса школалөн «Шондiбан» котырö ветлысь ныв-зон серпасалöмаöсь Иван Алексеевичлөн кывбуръяс дорö мича серпасьяс.

8-13  
л.б.



## Челядьлы - лазертагысь ворсанiн

Юркарса Киров нима паркын воссис лазертагысь челядьлы ворсанiн.

Площадка вöчысьяслөн кывъяс серти, найö эскöны, мый лазертагөн ворсысьяслөн лыдыс пыр водзö содас. Öд тайö сiдз шусяна тактикаа ворсöм, көнi колö бура мөвпыштны быд воськов, гөгөрвоны, кызиджык вермыны «вөрөгöс».

Площадка лои восьтöма Комиын дзоньвидзалун видзан воö, а сiдзкö, сьлөн аския луныс эм.

## Мичмöдам öшинь ув

«Волонтёр» котыр корö юркарсаöс öтув босытчыны мичмöдны-лöсьöдны керка йөръяс. Медшөр водзмöстчысьяслөн - Дмитрий Плотниковлөн - кывъяс серти, Нагорной проездын олысь öти семья ас кияснас лöсьöдiс-бурмөдiс челядьлы ворсанiн.

Тайö пö семьяыс петкөдлiс, мый быд морт аслас көсйöм серти вермас босытчыны да унатор вöчны, а оз сöмын быдöнлы да быдтор вылö злясьны.

«Волонтёр» котыр корö и юркарса мукöд олысьсöс пырöдчыны татшöм сикас акцияс. Отсөг пыдди вöзийöны асьнысö. Дерт, уджъяс заводитöм водзын пö медводз колö сёрнитчыны веськөдлан компанияскöд, а эссся нин лöсьöдны пöрадок йöрын да öшинь улын.

Дмитрий Плотниковлөн кывъяс серти, талун кежлö эм нин инструментъясөн да краска-мавтасөн отсөг сетны көсйысь котыръяс. Сiдзжö медводдза йөрөн, көнi пö көсьям видлыны пöртны олöмö тайö бур мөвпсö, лоö Петрозаводской уличаса 25 номера керка дор. Вайö пö öтлаын виддам вöчны став уджсö, а огö кутöй виччысьны пыр кодсянкö отсөг, корöны волонтёръяс.

*«Комиинформ» серти*





## АДДЗЫСЬЛӨМ

*Июнь төлысь заводитчигөн Ыбса финн-йöгра этнокультурной паркын чукöртчывлісны Коми Республикаса том корреспондентъяс. Налы вöлі котыртöма «Мультимедийная журналистика для школьников» проект серти кывкöртöд вöчан семинар, кодöс во гөгöр чöж нин республикаса районъясын нуöдісны журналистъяслөн союзö пырысьяс.*

# Медводз туялісны, сэсся гижисны

Этнопарк öтувліс 28 том гижысьöс. 12-17 арöса томуров пöвстысь быдöнлөн вöлі ашöр задание. Налы нималана журналистъяс нуöдісны быдсикас мастер-классö, велöдісны колана ногөн бöрйыны тема да кыдзи бурджыка гижны. А медбöрын нывзонлы коліс дасьтыны торъя тема выlö репортаж либö гижны статья.



Шуам, öтияслы коліс нуöдны збыльвивса журналистской туялöм, гөгөрвоны, Ыбса вежа ва - тайö збыльтор либö мөвпыштöмтор, а сэсся нин гижны ассьыс быд воськов да вöчны кывкöртöд. Мөдъяслы ковмис корсьны-юасьны сиктса вöвлытöмторъяс. Коймөдъяс «лоисны» этнопаркса гөсьтъясөн да видлісны гөгөрвоны-туявны парклысь гусяторъясö: мыйöн сійö оlö да кутшöм выльтор-вежсьöмъяс сійö вичысьö.

Этнопаркö воёмсянь юнкоръяс мөдöдчисны ыджыд опыта экскурсовод Светлана Тюринакөд төдмасьны Ыб сиктөн, сылөн историяөн. Найö, кодъяслы коліс дасьтыны кывкöрталысь проектъяс семинар пом кежлö, весиг рытнас на ветлісны



сиктса войтыр дорö, юасисны шензьöдана лоөмторъяс йылысь.

Вося узьöмыс ныв-зонлөн эз жö вöв. Тайö каднас челядлы ковмис верстайтны газет да вöчны видеомонтаж, роликъяс, а асывнас нин петкөдлыны найöс жюрилы донъялöм выlö. Медся бур видеосюжетөн шуисны Каргорт грезды сиём удж. Сійöс вöчис öтувъя котыр, кытчö пырисны республикаса кар-районысь воём нывъяс. Ичöt грезд найö шуисны этнопарклөн юкөнөн да восьтісны семинар кывзысьяслы вывті уна аслыспöлöслун. Тайö туялöмсьыс челядлы вичмис республикаса журналистъяслөн союзсянь медводдза места да этнопарксянь козин - паркын гезъясті ветлөм выlö сертификат.



Кулөмдінса велöдчысьяс эз повзыны да асла ныс гижöдын висьталісны Этнопарклысь бурсö и лёксö - татшöм ногөн видлісны вöчны ассьыныс туялөмсö.

Семинар котыртысьяслөн кыв серти, став видеосюжетсö лои сетöма этнопаркын уджалысьяслы, медым водзö выlö найö вермисны наөн вöдитчыны.

*Этнопарклөн сайт серти*



КОЛАНА УДЖ

Июнь медводдза лун - челядьёс доръян лун. А нöшта тайö кадö заводитчö тыр арлыдтöмалöн гожся уджалан кад.

# Гажыс артмис!

Кулөмдін районса культура керка дорын июнь 1 лунö кыпыда восьтісны «Гожся уджалан семестр-2014». Гажсö котыртысьяс, Сыктывкарысь да Кулөмдін районуьсь гоьстъяс асывсянныснин кыпыда вочаалісны ныв-зонмөс, бать-мамөс, велөдысьясöс. Медводз ставнысö чолөмаліс районса веськөдлысь Дмитрий Шатохин. Сійö ышөдіс том йөзöс шедөдны Коми Республикаса Юралысьлысь кубок муниципалитетөн медбура гожся уджалан кампания котыртöмысь.

Йөзöс уджөн могмөдан районса шөринөн веськөдлысь М.Савиций сиис томуровлы бура уджавны. Йөзöс уджөн могмөдан управлениен специалист О.Башкатова корис районса слөтын вермысь медбур уджалан да шойччан лагерьяссö республикаса слөт вылө. Төдчөдіс, мый

сьөлөмсянныс кутас эскины Кулөмдін районса командалөн вермөмлы.

Кулөмдін сикт овмөсөн веськөдлысь С.Рубан атгөаліс уджалан бригадаөн да ЛТО-өн веськөдлысьöс Кулөмдінса ныв-зонмөс гожся уджалан кампаниян өтув уджысь.

Енсянь бурсиөм ныв-зонлы шуис Вежа Петыр Павел вичко-са Александр батюшка.

Водзö ныв-зон висьталісны ас командалысь девиз да ним. 16 командаысь быдөн торъяліс паськөмөн, нимөн. Йөзöс уджөн могмөдан районса шөринөн веськөдлысь козыналіс командаса капитаньяслы бейсболка, футболка да козыньяс.

Та бöрын заводитчис котөртан эстафета. Ордйысьөмлы кывкөртөд вөчигкості йөзсö гажөдісны творчествоа котыръясысь челядь.

Вөлі и районса том «предпринимательяслөн» вөчөмторъясысь выставка-вузасьөм. Шкатулка, небыд чача, бисерысь да пуысь вөчөмтор, серпас да унатор позис аддзыны татысь.

Медбöрын командаяслы сетісны грамота эстафетаö пырөдчөмысь. Медводдза места шедөдіс Руч шөр школаысь «Работающие ребята» команда. Мөдөн лоины Діасөрьяса ныв-зон - «220 вольт». Коймөдөн - Тимшерса «Виктория» команда.

А коді оз радейт мороженöй? Дерт, сытөг гажыс эз коль. «Пöсь» ордйысьөм бöрын быдөн вермис чөсмасьны юмов көдзыдторйөн.

Уджалан гожөм лои восьтөма, да и гажыс артмис!

*Йөзöс уджөн могмөдан  
Кулөмдінса шөринлөн  
юөр серти*





**«Коми войтыр» öтмунöм да КРИРО-лөн школаöдзса велöдöмын национальнöй мытшöдъяс туялан лаборатория во заводитчöмсяньыс олöмö пöртöны «Мастерская игропедагогика «Дзольюк» республикаса проект. Сьöмөн отсалö Коми Республикаса экономика сөвмöдан министерство.**



# «Чуймöдана мойд»

Проексö збыльмöдöм вылö бöрийöма Кулöмдін районса Кулöмдін сикт, Кöрткерöс районса Шойнаты, Сыктывдін районса Паджга, Сыктыв районса Куратов сиктъяс. Во чöж нуöдöма велöдысьяс да бать-мамлы велöдан семинаръяс.

Кулöмдін районнын проексö кывкөртöдалис «Чуймöдана мойд» фестиваль. Сійö вöли июнь 2 лунö районса культура керкаын. Фестивальö пырöдчис 42 челядь, 22 бать-мам, 1, 3, 7, 8 номеръяс детсадъясысь 30 велöдысь, Кулöмдін сиктса «Улыбка», помöсдінса, югыдъягса да кебанъельса. Сідз, сцена вылын петкöдчис челядьлөн да бать-мамлөн 8 театр.

Кулöмдін районса 1 номера детсад петкöдлис «Курöг» мойд, районса 3 номера детсад - В.Лыткинлысь «Дзизгысь-дзизгысь гут», 8 номера «Солнышко» детсад - «Пывсян» теш, Кебанъельса детсад - «Петя-петушок да вильыш Вань», Помöсдінса 2 номера детсад - И.Вавилинлысь «Дружнöй котыр», Югыдъягса 1 номера детсад - С.Пылаевалысь «Нерсьысь баля», Кулöмдін районса «Улыбка» детсад - Е.Субочлысь «Пемöсьясянь козин», Кулöмдін районса 7 номера «Голубок» детсад - Ю.Поповлысь «Кöчильöй да ручильöй».

Фестивальö пырöдчисны школаöдзса велöдöмын республикаса организациясысь велöдысьяс некымын детсадйысь: Сыктывдін районса Паджгаысь, Сыктыв районса Куратовысь, Кöрткерöс районса Шойнатыысь, Сыктывкарса 93 детсадйысь, а нöшта Коми Республикаса вужвойтырлөн шылада-драмаа театрысь актриса Е.Чувьурова, школаöдзса велöдöмын национальнöй мытшöдъяс туялан лабораторияысь уджалысьяс. Куратов нима педколледжысь велöдысьяс.

«Чуймöдана мойд» кыпыда коли, öтүв ворсисны челядь, бать-мам, велöдысьяс.

Фестивалькöд йитöдын котыртлісны челядьлы театр котыртöм кузя пособиелысь выставка. Торъя козин сетисны Югыдъягса детсадлы колана материал дасьтöмысь. Гажыс помын сетисны козин быд детсадлы да кагалы.

Гажсö отсалисны котыртны Кулöмдін районса администрацияын образование управление, школаöдзса велöдöмын методист Наталия Нестерова.

2014 во помöдз мукöд районнын лöö жö котыртöма челядь да бать-мам театръяслысь петкöдчöмъяс сиктса культура керка сценаяс вылын.

*Миян корр.*



## Керөсса посниуловлы ЫДЖЫД КОЗИН


Со и бара на воис дыр виччысына гажа гожом. Миянлы - посниуловлы - ыджыд козинон лои сиктсөвет дорын меститчом ворсан йор. Сэни поэю и иславны, и качайтчыны, и бергавны, и лыа пиын поэю пуркөдчыштны. Ыджыд аттыо таысь колө висътавны сиктса веськөддысь Сергей Александрович Деминлы. Ворсан йорын челядыд пыр тыр. А Ыджыд Керөсса нывзон чукөрөн воливлоны рытланьыс. Тайо збыльысь ыджыд козин миянлы лоис. Ми весиг клятва сетим, мый ог кутюй йорас пырны велосипедъясон, ог кутюй егөсытны.

Кызди и быдон, гожся медводза лунө гажөдчим бур пот. Медводз кыпыда восьтим ворсан площадка. Сы бөрын велодысь Татьяна Михайловна Деминакөд нөдкывъяс төдмавлим, а сэсся серпасасим мелон. Ссылим да кывбуръяс лыддим, а сэсся ворсим. Ворснытө миян ставныс радейтөны и быдон зильө первойон пырөдчыны, весиг садикө котралысьяс. Бөрынджык ичот класса войтыр ордысытны. Ставнымлы кыкнан ки тыр юмовторийд вичмис. Колө пө тай висътавны аттыо «Единая Россиялы» да ас вылө уджалысь Виталий Фёдорович Зоринлы.

*Көрткерөс районьсы  
Керөс сиктса  
посниулов.*



Иван Куратовлөн чужомсяньыс 175 во тыригкежлө «Йёлга» газет юртліс «Со кыз сійос төда ме...» конкурс йылысь. Вель уна гижөд воис, молодеच्याс, томулов! А со Корткерос районусь Ыджыдвидзса школалөн «Шондбан» котырö ветлысь ныв-зон серпасалөмабсь Иван Алексеевичлөн кывбурьяс дорö мича серпасьяс. А ышөдöма ныв-зонмөс та вылө налөн велöдысь Эльвира Александровна Старцева. Ми, дерт, окотапырысь йöзöдам посниуловлысь серпасьяс, а тшөтш и Иван Куратовлысь нималана кывбурьясысь юкөнъяс.



«...Дзугыль пöчö печкö, печкö,  
Ыджыд пыш тош печканас;  
Öти кинас тошсö нетшкö,  
Мöднас сунис нюжодас...»

И.А.Куратов.  
«Пöч» кывбурясь юкөн.

«Пыддипуктантор Кöч Закар,  
Пач тэчысь, зэв ньöбасис  
Асывбыд. Сись, тшайтор, сакар  
Питшөгьясас нöбалис...»

И.А.Куратов.  
«Закар ордын» кывбурясь юкөн.










Югыд төлысь петөм;  
Югыд төлысь вылө  
Видзөдө поэт,  
И бур лолыс сылө...»

И.А.Куратов.  
«Поэт» кывбурысь юкөн.

«Пöльö важөн синтөм дзик,  
Да оз сьöктöд сийö асөн  
Некодös, пыр кималасөн  
Уджалö тай ньöжйöник...»

И.А.Куратов.  
«Синтөм пöльö» кывбурысь юкөн.





И.А. Куратов «Виль сыланкыв»  
Церенев Максим, 8-öd классы  
вельдучсь  
Ыджмидьдэс шор школа  
Этноклуб «Шондбан»

«Мый нө, зонъяс, горөктылам?  
Гашкө, виль ног важсө сылам...  
Дыр-ө кульөс ныр улө  
Ымзам, төв мед нуалө?..»

И.А.Куратов.

«Виль сыланкыв» кывбурысь юкөн.



И.А. Куратов «Том ныв»  
Игушева Диана, 6-öd классы  
вельдучсь  
Ыджмидьдэс шор школа  
Этноклуб «Шондбан»


«Шондбанөй  
Бур таланөй,  
Муса, мича ныв!  
Ошкөм өкты,  
Зон моз йөкты,  
Вильшась, серав, сыв!»

И.А.Куратов.

«Том ныв» кывбурысь юкөн.



И.А. Куратов «Көйна-каня»  
Игушева Екатерина, 3-öd  
классы вельдучсь  
Ыджмидьдэс шор школа  
Этноклуб «Шондбан»




И.А. Куратов «Кормы»  
Игушева Катерина, 6-öd классы  
вельдучсь  
Ыджмидьдэс шор школа  
Этноклуб «Шондбан»






И.А. Куратов «Туу ол ил  
арыкыс айы уйбары и  
малыкы», ырыс ол дарты  
Мамарта Дамал, 3-өд класс  
малдыкы  
Мамартакыс айы шолы



И.А. Куратов «Том ныв»  
Мишарина Элина, 6-өд класс  
велдчыс  
Ыджьдвидса шыр школа  
Этноклуб «Шондбан»  
Вескьодыс- Старцева Э.А.



И.А. Куратов «Корыс»  
Панюкова Викторя, 6-өд  
класс велдчыс  
Ырыкыс айы шолы  
Этноклуб «Шондбан»



И.А. Куратов «Закар ордын»  
Панюкова Светлана, 8-өд  
класс велдчыс  
Ыджьдвидса шыр школа  
Этноклуб «Шондбан»

«Эз дыш вöv, уджавлывліс,  
Да кыдзья нинöмторысь;  
Кор меліджык морт вердас,  
Сэк оз нин донъясь корысь!»

И.А.Куратов.  
«Корысь» кывбурысь юкөн.



«Вокöй, олін-вылін,  
Сёйин, юин, сьылін,  
Мырсин, шогсин тан -  
Öні ойбыртан.  
Регыд бара мöдан,  
Кытчö, ачыд тöдан;  
Мунікежад тась  
Тэнад быдсөн дась...»

И.А.Куратов.  
«Важся коми войтырлөн кодралöм»  
кывбурысь юкөн.





И.А. Куратов «Поч»  
Мушова Милана, 3-өд класс  
велдчесь  
Моремондса шор школа

«Вөралысьяс понъяснас  
Вөтлысисны Көин бөрысь.  
Кытчө вошсян? Петмысьт вөрысь  
Көин грездө котортас.  
Грездын аддзө: пывсян вылө  
Чикыртчыштөм мича Кань.  
«Васька, - Көин шуас сылы, -  
Висьтав, код тан медся шань?»


И.А.Куратов.

«Көина-каня» кывбурысь юкөн.

«...Ышмин, кокныд барин, ышмин!  
Вешы сэтшөм сёрнинад...  
Мем-ө овны сәні, карын,  
Мем-ө югыд жыръясад  
Вежнясьны да ручкуасьны?  
Мем оз лөсяв кринолин,  
Шылыд дждж вылад ме вильда,  
Эзысь кизыд ёрас син...»

И.А.Куратов.

«Грездса ныв карса баринлы»  
кывбурысь юкөн.



И.А. Куратов «Көина-каня»  
Сельнова Фани, 9-өд класс  
велдчесь  
Моремондса шор школа  
Этнолюб «Шондбан»



И.А. Куратов «Грездса ныв  
карса баринлы»  
Павлова Диана, 8-өд класс  
велдчесь  
Ыджмдидса шор школа  
Этнолюб «Шондбан»



И.А. Куратов «Поч»  
Мушова Милана, 3-өд класс  
велдчесь  
Моремондса шор школа

«...Ныр-вом, ки-кок пөчлөн сёмось,  
Төдан, вывті важось нин!  
Кузь шог гөрөм сылысь кымөс.  
Сөмын вель на югыд син...».

И.А.Куратов.

«Пөч» кывбурысь юкөн.



Иван БЕЛЫХ

# Көні тэ, менам Сьод тыйой?

Мыйлако сідзи овло олөмас. Виччысытөг сувто син водзад корко уна во сайся серпас, коді мыййонкө йиджтысьліс тэнад сьолөмө. И сэки весиг долыдджык овывлө лов вылад. Мөвпыштан чуймөмөн ас кежысь, збыльсь өмөй ставыс тайө мекөд вөлі?

Ак, эськө бергөдчывны кө выльсь сійө кадас. Но сэки жө гөгөрван, мый оз нин некор воы сійө, мый коркө уна во сайын тэкөд вөлөма. И зіян вунөдны та йылысь. Но кодкө быттьө выльсь тапкөдө тэныд мышкад: эн вунөд пө, эн вунөд коркөясө.

Со тадзи и лои мекөд, кор вөтөн бара уськөдчыліс мөдлапөвса эновтөм нин Пычим посёлоксянь небылн нюра вөрө дзебсьөм Сьод ты. Быт-

ттьө рамника куйлө увтас берегъяс пөлөн, постни кыз-пожөма коласын да гусьон шөпкөдө меным: воы пө, воы ме дорө, важөн пө нин эг адзысьлы тэкөд, став гусяторсө нин висьтала, нинөм нин ог дзеб тэысь.


А садьмөм бөрын збыльсь сувтис син водзө тайө, мыййонкө ас дорас зэв ёна кыкысь Сьод тыыс. И весиг долыд лои лов вылын. Эз кө вун өнөдз сійө кадсяыс, сідзкө збыльсь тайө луныс вөлі менам олөмын медся шудаясысь өтиөн.

Важөн нин бать көсийс нуөдлыны менө Сьод ты дорө, коді вөлі дзебсьөма нюра вөр пөвстө да көні олісны са кодь сьод ёкышгъяс да

сиръяс. Таөдз батькөд эг өтчыдысь ветлывлөй вуграсьны Эжва дорө, мөдлапөвса Кылөг вадйө да Дзөля вадйө. Но найө ставныс нин вөліны меным бура төдсаөсь. Төда нин вөлі, кутшөмджык черияс сэні олөны, кызиджык да корджык найөс кыйны. А сьолөмөй кыкис менө тайө некор на адзывлытөм Сьод ты дорас, коді эськө төдмөдіс менө аслас вөвлытөм гусяторъясөн.

И со өти водз гожся асылө мөдөдчим сэтчө. Бать мунигмоз тэрмасьтөг висьтавліс, кызиди коркө веськавлывлөма тайө ты дорас да уна и чери сэки вайөма гортө. Мөдлапөлө вуджөм бөрын бура дыркодь ков-

мис миянлы восьлавыны веретяся да видзьяс вомөн. Пычим посёлок сайын кежим эновтөм векни көрт туй вылө. А сэті сэссия лунвывлань неуна восьлалөм бөрын муртса тыдалысь ордым лэччөдіс миянөс кос вутшка нюрө, көні быдмысны гежөдіник негырысь пожөмъяс да козъяс. Төддытөг и воссис миян водзын Сьод тылөн паськыд эрдыс. Да өд кужөма сійө дзебсьыны тайө гежөдіник пуяса вөр пөвстас. Он пыр и казяв. Абу ёна ыджыд. Но абу и ичөт. Збыльсь, эм көні овны ёкышгъяслы да сиръяслы. Берегъясыс топыдөсь. Кок увсянъыд пыржө заводитчө джум. Ваыс



Снимокыс өтувезйысь.





сьодсыс-сьод. Нюрын куйлысь трундаыс сетө-ма сылы ассыс рөмсө. Геждо көн берег пөлөн быдмигас эжөр турун. Төдчис, мый уткаяс оз ёна волывлыны тайо ты вылас. Некөн налы овмодчыны. Да и нинөмөн ёнасө тані номсасыны. Но сы пыдди ты берег пөлөн нюжаліс топыд ордым, кодос удитөмаось талывны уна воон татчө тшөкыда волывлысь чери кыйысыас. Көн-сюрө төдчисны бипур колясыас. Тыдалө, абу отчыдысь узымодчывлө-майө тыри кыйысыас тайө ты дорас. А меным мыйлако сэки нин чайт-сис, мый тайө сьод ваа тыыс видзө уна гусятюр мян важся пөляслөн олөм-вылөм йылысь. Найө, дерт жө, эз отчыдысь волывлыны татчө кыйны ас вөчөм кыс-нангысөн пес плака коды са сьод сирьясос. Шед-лывліс кө важөн сэтгысь чериыс, оз этшаджык шедывлы и өні.

Но мянлы сийө лун-нас эз ёна мойви. Быгттьө и поводяыс вөлі мича, и төлыс лөсялана. Сэк жө тыыс эз ёна көйы юксыны мянкөд аслас озырлунгысөн. Быгттьө нерсигмоз видліс мян-лысь терпенөнымос. Босытисны сөмын вьсытьс неуна кузджык са коды сьод ёкышгыас да батылы кыснанөн сюрис нель-ө-вит килоа сэтшөм жө сьод сир. И сы бөрын көть мый дыра эгө пукалөй ты берегыас пөлөн, мыйта көть гусьон эгө кевмөй ас кежысь, гырысь ловгыас сэсся эз и сурны. Но та вылө видзөдтөг, меным мыйлако воис сьөлөм вылө тайө Сьод тыыс аслас сьод ванас да гуся оласногнас. Сийө куйліс увтасынын да, ён төвгыас татчө эз вьсыкавыны. Та вөсна и, тыдалө, пыр вөлі татшөм раминик да зумыш. А өні быгттьө

тыыс шөпкөдіс меным, эн пө вошты бур кадсятө, пиук, воы пө мөдысь да сэки быть нин козынала тэнө бур кыйдөсөн. Бать сідзжө меным шуис, мый тайө тыас олысысыс пө збылысь зэв асныраось овлоны. Сийөн пө и эз мойви мянлы талун. А гортлань мөдөдчигөн нин ме збылысь аддзи өти бипур коляс дорысь вит көпейка ыжда гырысь чери сьом. И тайө нөшта ышөдіс менө Сьод ты дорө мөдысь волөм вылө.

Но сэсся, кыдзи көть эг көйы, сідзи и эг слөймөдчы некымын во дорыв сэтчө воыны. И век жө окотаыд тай босьтө жө ассыс. Кутшөмкө гожся луно бара удайтчис воыны Сьод ты дорө карса өти ёрткөд. Но сэки таөдз ёна-кодь зэраліс. Чериыс та вөсна некөн ёнасө эз сөй. Сылөн, тыдалө, и сідз вөлі тырмө сөяныс. Со и вьсышөрө лоис Сьод ты дорө мян мөдысь волөмным. Бур көть, мөдлапөвса вертясыс козыналісны мянөс дона гөбөн, гөрд гөбөн да мукөд тшакөн. Зэргыас бөрад ёна петө-маось. Нинөм абу дор-сыд көть нин тайө бур вөлі.

А коймөдысь аслам важся ёрткөд сэтчө му-нөм бөрын Сьод тыыд мянлы эз и сюр. Сийө быгттьөкө көйыс мынтыны водзөс сыысь, мый вунөдны кутім сы йы-лысь да зіліс дзэбсыны мянысь. А вьсыкы-да кө шуны, татчө дыр воытөм бөрад ме, дерт жө, вунөді сийө муртса төдчысь ордымсө, коді вайөдө дзик Сьод ты дорөдз. Сідзи и эг аддзы сийөс. И сэтшөм забедно вөлі, мый эз удайтчы ад-дыны Сьод тысө. Сийө эськө сэки дыр паны-дасьлытөм бөрад, дерт, нин мыйөнкө да козы-наліс мянөс.

Та йылысь ме сэсся шмоньпырысь вьсытавлі аслам өти төдсалы, коді ас кадө дыр уджалөма Пычим посёлокын, а өні, посёлоксө пөдлалөм бөрас, аслас важ керкасө дача пыдди видзө. А мый пө тэ сералан, пыр жө воча шуис меным. Сьод тыад пө збылысь зэв гырысь сирьяс да ёкышгыас олөны. Уна бо-тан пө нин найө косяв-лісны. Некыдзи пө шед-ны оз көйыны. А ме сэки ас кежысь и мөв-пышті, мися, сэні, ты-далө, олөны оз сөмын гырысь сирьяс да ёкышгыас, но и мукөд вөвлытөм на чериас, кодыас и видзөны Сьод тыыслысь гусятюргыас.

И өні, тыдалө, сийөн Сьод тыыс и уськөд-чыліс меным вөтө, ме-дым ме эг жө вунөд сы йылысь, а волі регыдыя кадөн бара аддзысьлы-ны. И сийө сэки быть юксяс аслас став гуся-торгыасөн, вьсытавлас аслас кузь олөм-вылөм йылысь. Сы йылысь, кыдзи ёна важөн менам пөляс кыйлісны татысь черисө, сэсся Сьод ты бокысь став вөрсө пөрө-дісны. Повзыліс Сьод тыыс, мый оз нин коль-тані вөрыс да сылы ков-мас дзикөдз косьмыны. Но вөр лэдысысыд му-нісны мөдлаө. А важ вөр пыдди быдмис выль том вөр. И нимкодь бара лои овны-вывны тані Сьод тылы. Сідзкө, меным быть нин уна во мысти вьлысь ковмас воыны аддзысьлыны тайө ты-ыскөд, казытыштны кор-кө татчө батькөд на во-лөм йылысь, мөвпа-лыштны өнія йывсыыс. Сөмын ме сюрас жө өні меным сийө, оз кут дзэбсыны коркөя моз да отсалас кыпөдыштны менсым лөлөс, бара тө-көтьө кежлө лөлыны томөн. Көніджык нө эськө тэ, менам Сьод тый?

«Коми йөзөдчан керка»  
Коми Республикаса  
автономной учреждение.

**Веськөдлысьлысь**  
**удж вөчысь**  
**Е.В.ПЛЕТЦЕР**  
**Гл.редактор**  
**Г.В.МАКАРОВА**



Газет паньсы:  
Печать да юр сетан Коми  
Республикаса агентство.  
Регистрируйтөма  
2007 вося ноябрь 28 лунө  
йөзлы юр сетөм да  
культураса озырлун видзөм  
кузя оланпасаыс  
збыльмөдөм бөрся  
видзөдысь федеральной  
службалөн Беломорской  
управлениеын.

Регистрируйтан пас:  
ПИ №ФС 3-0686.

Социальной төдчанлуна  
гижөдыяссө йөзөдөма «Коми  
йөзөдчан керка» автономной  
учреждениеы печать да юр  
сетан КР-са агентствөм  
вичмөдөм сьом вылө.



**Редакциялөн адрес:**

167982, Сыктывкар,  
К.Маркс улича,  
229-өд керка,  
401-402 кабинетгыас.  
**Тел.** 24-12-22, 24-36-49.  
**E-mail:** Yologa@mail.ru



**Редакцияын**  
**уджалысыас:**  
**том йөзлөн мытшөдыяс**  
**юкөнө вьсыкөдлысь –**  
Надежда Пунегова;

**письмө юкөнөн**  
**вьсыкөдлысь –**  
Екатерина Микушева.



Медводдза лист бокас  
снимокыс  
Ыбса этнопарклөн  
сайтгысь.



Авторгыслөн мөвпгыас оз  
пыр лөсявны редакциялөн  
видзөдлассөд.



Тираж – 568.  
Гижөдчан индекс – 52099.  
«Йолөга» газет петө  
1991-өд восянь  
вежоннас өтчид, комиөн.



Печатьө кырымалан кад:  
график серти – июнь  
төлысьлөн 9-өд лунө  
16 часын; кырымалөма  
печатьө 16 часын.  
Газет печатайтөма  
«Коми республиканской  
типография» ООО-ын дась  
оригинал-макетгыасысь.  
167610, Сыктывкар,  
В.Савин улича, 81  
Заказ №





## *Дона ёрт!*

*Эн вунӧд гижӧдчыны «Йӧлӧга» газет вылӧ локтан во джын кежлӧ!*

*Зіля котӧртлы пошта вылӧ да сугзӧд том войтырлы коми кывъя дзик ӧти петас. И сэсса быг вежон гортӧдзыг кутас локны 16 лист бока «Йӧлӧга», кытысь кутан лыддьыны коми томуловлӧн олӧм-вылӧм йылысь, тӧдмасьны виль кывбур-висътъясӧн да нимкодясьны енбуа войтырӧн.*

*\* \* \**

*Тавося мӧд во джын кежлӧ пошта пыр гижӧдчан дон - 296 шайт 88 ур.*

*Редакцияын гижӧдчан дон - 72 шайт.*